

Na osnovu člana 11. Zakona o javnim preduzećima u Federaciji Bosne i Hercegovine ("Službene novine Federacije BiH", br. 8/05, 81/08, 22/09 i 109/12), Zakona o radu Federacije BiH Uredbe o postupku prijema u radni odnos u javnom sektoru na teritoriji Kantona Sarajevo ("Službene novine Kantona Sarajevo", br. 19/21, 10/22, 5/23 i 9/24), čl. 50. Statuta JP "CENTAR" d.o.o. Sarajevo broj: 11-11-4872/25 od 20.01.2026. godine, i Pravilnika o radu sa unutrašnjom organizacijom i sistematizacijom radnih mjesta JP "CENTAR" d.o.o. Sarajevo broj 02-01-22/26NO od 22.05.2026.godine, v.d. direktor JP "CENTAR" d.o.o. Sarajevo, donosi

ODLUKU
o raspisivanju Javnog oglasa za prijem radnika u radni odnos na neodređeno vrijeme
u JP "CENTAR" d.o.o. Sarajevo

Član 1.

Ovom Odlukom raspisuje se Javni oglas za prijem radnika u radni odnos na neodređeno vrijeme u JP "CENTAR" d.o.o. Sarajevo (u daljem tekstu: Preduzeće), u skladu sa Zakonom o radu Federacije BiH, Uredbom o postupku prijema u radni odnos u javnom sektoru na teritoriji Kantona Sarajevo, Statutom Preduzeća, Pravilnikom o radu sa unutrašnjom organizacijom i sistematizacijom radnih mjesta i drugim važećim propisima.

Član 2.

Javni oglas raspisuje se za sljedeće pozicije:

1. Šef Službe za tehničko održavanje i upravljanje javnim površinama i objektima – 1 (jedan) izvršilac na neodređeno vrijeme;
2. Viši referent za administrativne poslove – 1 (jedan) izvršilac na neodređeno vrijeme;
3. Radnik na komunalno-tehničkom održavanju javnih površina i objekata – 5 (pet) izvršilaca na neodređeno vrijeme;
4. Pomoćni radnik na komunalno-tehničkom održavanju javnih površina i objekata – 3 (tri) izvršioca na neodređeno vrijeme.

Član 3.

(1) Javni oglas za svako radno mjesto sadrži:

- predmet javnog oglasa;
- opis poslova radnog mjesta;
- broj izvršilaca;
- opće i posebne uslove za prijem u radni odnos;
- spisak potrebne dokumentacije kojom se dokazuje ispunjenost uslova;
- ostale odredbe (procedura provjere znanja, obaveze izabranog kandidata, rok i način podnošenja prijave);
- druga pitanja od značaja za zakonito provođenje postupka.

(2) Tekst Javnog oglasa za svako radno mjesto iz člana 2. ove Odluke sastavni je dio ove Odluke.

Član 4.

Javni oglas objavit će se u najmanje jednom dnevnom listu koji se distribuira na teritoriji Federacije Bosne i Hercegovine, na internet stranici JU „Služba za zapošljavanje Kantona Sarajevo“, na web stranici Preduzeća i na oglasnoj ploči Preduzeća.

Član 5.

Rok za podnošenje prijave iznosi 15 (petnaest) dana od dana posljednjeg objavljivanja Javnog oglasa.

Član 6.

- (1) Za provođenje Javnog oglasa, odnosno postupka prijema u radni odnos, razmatranje prispjelih prijava, vrednovanje kandidata i pripremu prijedloga za prijem radnika v.d. direktor donijet će posebnu odluku o imenovanju Komisije za provođenje postupka prijema u radni odnos, koja je obavezna donijeti Poslovnik o radu.
- (2) Komisija iz stava 1. ovog člana dostavlja prijedlog za prijem radnika v.d. direktoru najkasnije u roku od 30 dana od dana isteka roka za podnošenje prijava, na osnovu uvida u dostavljenu dokumentaciju i obavljenog intervjua s kandidatima koji su ušli u uži izbor.
- (3) Na osnovu prijedloga Komisije, odluku o prijemu radnika u radni odnos donosi v.d. direktor Preduzeća, odnosno direktor Preduzeća ukoliko bude imenovan prije okončanja postupka prijema u radni odnos.

Član 7.

Ova Odluka stupa na snagu danom donošenja i bit će objavljena na web stranici i oglasnoj ploči Preduzeća.

Broj: 03-01-36/26
Sarajevo, 01.07.2026.godine


v.d. direktora
JP "CENTAR" d.o.o. Sarajevo


Odluka objavljena na oglasnoj ploči Preduzeća dana 01.07.2026. godine.